

**Piniarneq aallaaniarnerlu pillugit Inatsisartut inatsisaata  
allanngortinneqarneranik Inatsisartut inatsisissaattut siunnersuut**

**pillugu**

**Inatsisartut Aalisarnermut, Piniarnermut Nunalerinermullu  
Ataatsimiititaliaata**

**ISUMALIUTISSISSIONAA**

**inatsisissatut siunnersuutip aappassaaneerneqarnerani saqqummiunneqartoq**

Inatsisartut ataatsimiititaliaat suliarinninnermini ukuninnga inuttaqarpoq:

Inatsisartuni ilaasortaq Jensine Berthelsen, Atassut, siulittaasoq  
Inatsisartuni ilaasortaq Ole Dorph, Siumut, siulittaasup tullia  
Inatsisartuni ilaasortaq Ole Thorleifsen, Siumut  
Inatsisartuni ilaasortaq Agathe Fontain, Inuit Ataqatigiit  
Inatsisartuni ilaasortaq Palle Christiansen, Demokraatit

UPA 2003-mi siullermeerininnerup kingorna Inatsisartut ataatsimiititaliaata  
Piniarneq aallaaniarnerlu pillugit Inatsisartut inatsisaata allanngortinneqarneranik  
Inatsisartut inatsisissaattut siunnersuut nassuaatitai ilanngullugit misissuataarpaa.

**Tusarniaanermiit akissutisiat**

Siunnersuutip matuma ataatsimiititaliami oqaluuserineqarnissaanut atugassatut  
tusarniaanermi akissutigineqartut nuutinneqarneranik ataatsimiititaliaq piniarpoq.

**Siunnersuutip imarisai**

Siullermik Piniarneq aallaaniarnerlu pillugit Inatsisartut inatsisaata  
allanngortinneqarneranik Inatsisartut inatsisissaattut siunnersuut Inatsisartut  
Aalisarnermut, Piniarnermut Nunalerinermullu Ataatsimiititaliaata qujaruppa.

Inatsisartut Ombudsmandiata saaffiginnissutaa ilaatigut tun-ngavigalugu inatsisissatut siunnersummi allannguinerit erseqqissaanerillu pisut ataatsimiititaliap maluginiarpaa.

Piniarneq aallaaniarnerlu pillugit Inatsisartut inatsisaanni maannakkut atuuttukkut ataatsimoorluni tikaagullinniarnermi siuttusussamik najukkami aalisartut piniartullu peqatiiffiata toqqaasinnaanermut piginnaatitaanissaanik periarfissamik amigaateqartoqarnera Inatsisartut Ombudsmandiata tassuuna innersuussutigaa.

Tamatuma saniatigut, Piniarnermut siunnersuisoqatigiit ilaasortaligaaneratigut, inatsisissatut siunnersuut iluarsiissutissamik imaqrpoq, taamaalluni Aalisarnermut Piniarnermut Nunalerinermullu Pisortaqarfik, kiisalu Avatangiisinut Pinngortitamullu Pisortaqarfik siunnersuisoqatigiinnut pingarnerusumik taaseqataasinnaanatik ataatsimeeqataasartutut siunissami inissimasussanngussallutik. Tamanna ataatsimiititaliap isumaqatigaa, suliassaqarfittummi pisortaqarfifit pisortaqarfinnik taakkuninngarpiaq siunnersuisutut suliaqartuni ilaasortaatitaqarlutik peqataanissaat tulluarpaallarnavianngimmat.

§ 16, imm. 4-p oqaasertaliivigineqarneratigut Aalisarnermut siunnersuisoqatigiinnut maleduagassanut atuuttunut Piniarnermut siunnersuisoqatigiinnik tusarniaasarnermut maleduagassat naapertuuttunngortinnejqarput. Taamatut allannguuteqartitsinissamut ataatsimiititaliaq isumaqataavoq, Piniarnermullu siunnersuisoqatigiinnik tusarniaasarnerup naleqqussaavigineqarnissaa pitsasutut isigalugu. Piniarnermut siunnersuisoqatigiinnut 1997-imi suliakkiissut ataatsimiititaliap Naalakkersuisunut naggataatigut malugeqqussavaa, tassani oqaatigineqarmat siunnersuisoqatigiit Naalakkersuisunut oqaaseqaateqarumallutik suliassanik suliariinnissinnaasut. Suliakkiissummi maannakkut atuuttumi saaffiginnissutit tamakkerlugit oqaaseqarfiginissaannut Piniarnermut siunnersuisoqatigiit pisussaafeqanngillat. Taamaammat inatsisip allannguuteqarneranut atatillugu Piniarnermut siunnersuisoqatigiinnut suliakkiissutip Naalakkersuisunit aamma allanngortinnejqarnissaa ataatsimiititaliap kaammatutigissavaa, taamaaliornikkut Naalakkersuisunit saaffiginnissutit tamakkerlugit Piniarnermut siunnersuisoqatigiinnit oqaaseqarfigalugit akissuteqarfigineqarnissaat pisussaafinngortinnejqaqqullugu. Tamanna siunnersuisoqatigiit tusarniaavigineqartarnerannut atatillugu nalornilernerit pilersannginnissaannik siunertaqassaaq.

**Taama oqaaseqarluni Ataatsimiititaliap isumaqatigiittup siunnersuut maannakkut iluserisamisut iluseqarluni akuersissutigineqassasoq inassutigaa.**

Inatsisartut Aalisarnermut, Piniarnermut Nunalerinermullu Ataatsimiititaliaata taamaalluni Piniarneq aallaaniarnerlu pillugit Inatsisartut inatsisaata allanngortinnejqarneranik Inatsisartut inatsisissaattut siunnersuut Inatsisartunut aappassaaniigassanngortippaa.

Jensine Berthelsen,

Atassut, siulittaasoq

Ole Dorph,Siumut  
siulittaasup tullia

Ole Thorleifsen  
Siumut

Agathe Fontain  
Inuit Ataqatigiit

Palle Christiansen  
Demokraatit